

حقوقی بیکیسیر مجموعه سی

هر آبلک اون بشنده نشر اولنور

بکدیکی دورلری چوقدن کړیده راقشدر. انقلاب بزه شخصی کرامتار و غایتار یرینه علمک اصول و سیدستملرینه ایمانی تلقین ایتدیکی ایچوندرکه بز اوئی مثبت بر حقیقت اولارق واونک واضی بویوک غازی بی مملکتک قودر تولوش واحیا دستورلرینک واضی بویوک بر لهزیساتور صفیلله تحیل ایدیورز .

داخلیه وکیلی شکری قیابک افندی بویوک ملت مجلسنده بر قاچ کون اولکی نطقارنده اختصاصدن متولد بر وقوف و نفوذ نظرله افاده بویوردقلری وجهله مشروطیتده متوالی حربلر یوزندن فیضی و ثمره سی کوستره مین محلی ادارهلر اصولنک جمهوریتک فیضی سینه سنده مرکزک بصیرتکار مراقبه سینه بیلکیلی ونورلی نظارته مظهر اولق شرطیله اعظمی واحیا کار راندمانی ویره جکندن هیچ شبهه اتمه ملیدر .

مرکزی دولت مؤسسه لری ایچونده اداری مرکزیت کپی خود کام فکرلردن طوغان ذهنیتلرک عقامتیه صابلا نوب قالمقدنسه ولایتلره بخش ایدیلن حقوق و صلاحیتلری مؤثر بر نظارت و مشر بر مراقبه ایله تنظیم و اداره به موفق اولق البته بیوک بر لیاقت و او نسبتده بیوک بر شرف تأمین ایدر .

طایب مدیر عمومی

عاطف

ارکلی حوضه فحمیه سنده کی معدن کموری اوجاقلری ایچون ویریلان رخصتنامه لرک امتیاز ماهیتنده اولوب اولمیدینی حقنده بر مطالعه

آووقات : خریساتلوس

۱ — هر کسجه معلوم اولمیدینی اوزره معادن اصلیه و سطحیه ۲۶ مارت ۳۲۲ تاریخلی معادن نظامنامه سینه و ذیللرینه و تعدیلاتنه و طاش اوجاقلری و امثالی معادن سطحیه و عمقیه ۱۶ مایس ۳۱۷ تاریخلی نظامنامه مخصوصه سینه و حصراً ارکلی معدن کموری اوجاقلری ده ۲۴ نیسان ۱۲۸۳ تاریخلی و بالوجوه خصوصی یوز ماده لک بر تعاملنامه به تابع در و احکام عمومی به تقدیم ایده جکی محتاج ایضاح دکلدر .

۲ — شو حالده تقدیم مذکور تعاملنامه به مراجعت ایلدیکم زده بونک هیچ بر ماده و یا فقره سنده امتیازه و یا شرائط امتیازی به دائر بر جمله و حتی بر عباریه تصادف ایده مین .

بالعکس هر جهتده رخصت اعمالدن بحث ایدلیدی کی آلتش کسور سنه‌دن بری یوزلرجه عامللره اعطا ایدیله کلان تذکره‌لرک جمله‌سنده شو وشو صورتله اعمال ایدلمک شرطیله اشبو اعمال رخصتنامه‌سی ویرلمشدر، قیدینی کورررز .

بو جمله ایله برابر مسئله‌نی احکام عمومی نقطه نظرندن ده تدقیق ایدلم .

۳ — معادن نظامنامه سنک ۶۱ نجی ماده مذیله سنک (آ) اشارتلی برنجی فقره‌سنده بر معدنک منفرداً و یا مشترکاً اداره‌سنی درعهده ایدن اصحاب امتیاز و یا ملتزم و یا خود ارکلی حوضه فحمیه‌سی اوجاق عامللری دینمکه ارکلی اوجاقلری امتیاز ساحه‌سندن چیقارلمش و بونلره خاص اولق اوزره صاحب دکل آنجق عامل دیه بر نام مخصوص ویرنش اولدینی کی (ه) اشارتلی بشنجی فقره‌سنده عینی عباره‌لرله نظریه مذکوره تکرار وشو صورتله اعمالک امتیازدن تفریق جهته کیدلمشدر .

۴ — وینه معادن نظامنامه سنک ۷۱ نجی ماده مذیله سنک برنجی سطرنده هر نوع امتیاز والتزام اصحابک و عامللرک دینمکه بونلر یکدیگرندن تفریق ایدلدکن قطع نظر عاملک صاحب اوله‌میه جنی اساسی وضع ایدلمش و ۱۰ نجی سطرلندهده تعریف تکرار ایدلمکه ارکلی حوضه فحمیه‌سنده کی عامللره هیچ بر زمانده صاحب امتیاز دینه‌میه‌جکی اساسی تأیید ایدلمشدر .

۵ — معادن نظامنامه سنک دردننجی ماده‌سی حکمنجه اراضی مملوکه، میریه، مزروعه و موقوفه‌نک هر قنئی نوعنده ظهور ایدن معادن اصلیه و بونلر میاننده هر نوع کومور معدنلری ایچون دخی امتیاز فرمانی ویرلدیکی حالده ارکلی کور اوجاقلری لاسبب من الاسباب معادن عمومیه چارچیوه‌سندن چیقاریله‌رق تعاملنامه دینلان بر قاعده مخصوصیه تابع طوتنش قالدی که هر نوع اراضیده یاریجیلر عامل و متصرفلر بر مستأجر ممتازدر . زیرا صاحب ارض دولتدر، بر یاریجیه و یا متصرفه هیچ بر زمانده صاحب ارض دینامشدر و دینه‌مز .

۶ — معدنلرده وجوده کتیریه‌جک تأسیساته دایر نظامنامه‌نک برنجی ماده‌سنده امتیازک ایشله‌دلسی فرمان عالی ایله احاله ایدلمش اولنلره خاص ایدوکی کوسترلمکده‌درکه شو صراحت قانونیه‌یه کوره ارکلی کور اوجاقلری رخصتنامه‌لرینه امتیاز دیمک خطا اولور .

۷ — معادن مهندسارینک وظیفه‌لرینه متعلق تعلیاتک ۱۰ و ۱۱ نجی ماده‌لری امتیازک آنجق فرمانله حاصل اوله‌جغنی آمردر .

۸ — طاش اوجاقلری وامثالک نوعلرینه کوره یکریمی بش سنه به قدر اولنلرایچون « رخصت » وریلور ویکرمی بش سنه‌دن زیاده‌سی ایچون اراده‌سی استحصال اولنهرق امتیازفرمانی وریلور [طاش اوجاقلری نظامنامه‌سی ۵، ۶، ۸، ۱۸، ۲۰، ۳۰، ۳۱، ۳۲] ۹ — اداره عمومی و لایت قانوننک ۷۸ نجی ماده‌سنک ۳ نجی فقره‌سنده محرر اولدینی وجهله شهر و قصبه‌لرده منافعی بلدیله‌له طائد اولمق ومدتی ۴۰ سنه‌نی تجاوز ایتمک اوزره حیوان ، بخار ، والکتریقله جراولنور تراموایلر انشاسی ایچون امتیاز وریلور و اوتوموبیل ایچون رخصت وریلور .

۱۰ — معادن اصلیه‌دن قروم معدنک مدت احالاسی ۴۰ سنه‌دن آشاغی ایسه رخصت و ۹۹ سنه به قدر ایسه امتیاز وریله‌جکی ۲۴ کانون ثانی ۳۲۴ تاریخی شورای دولت قراری و ۲۸ منه تاریخی اراده ایجابنددر .

۱۱ — ینه قروم معدنلری حقننده شورای دولتن معطی ۲۶ تشرین اول ۳۲۴ تاریخی قرارده امتیاز ورخصت یکدیگرندن تفریق ایله ماضع لهلری تعیین ایدلمشدر . ۱۲ — ارکلی شرکت عثمانیه‌سنک وضعیتی پیش نظره آلدیغمزده کوریرزکه شرکت مذکوره لیان وشمندوفر پاهررق تصادف ایده‌جکی کومور اوجاقلرینی ایشتمک ایچون تأسس ایش اولدینی حالده کندوسنه لیان انشاآتی ایچون امتیاز فرمانی و اوجاق اعمالی ایچون‌ده آبروجه رخصتنامه‌سی ویرلمشدر . ارکلی شرکتک شو وضعیتی حل مسئله به‌الفا مابلغ کافیدر .

۱۳ — دیمک اولدی که برعقدک امتیاز ویا رخصت نوعندن اولدینی اکلماق ایچون اوزون بویلی تبعاته محل قالمقسنرین مذکور عقدی حاکی اولان ورقه‌یه سطحی بر نظر کافیدر . چونکه هرقتی بر احاله وثیقه‌سنه باقیلسه یا امتیاز ویاخود رخصت تعمیری کوریه‌جک و آکا کوره نوع احاله تعیین ایده‌جکدر . ارکلی تذکره‌لرنده ایسه رخصتن بشقه برتعمیر تصادف ایدیله‌مدیکی وایدیله‌میه‌جکی یوقاروده عرض ایدلدی .

کله‌م ارکلی اوجاقلری رخصتنامه‌لری ایله امتیازک دیگر اشکال قانونیه ویمزه‌سنه

۱۴ — معادن نظامنامه سنده تفصیل ایدلدیکی اوزره امتیاز برحق تحقیقات، اعلانات و تدقیقات ابتدائیه دن و شورای دولته یاییله حق شرطنامه و مقاوله نامه نك هیئت و کیله جه تصویبندن صکره صدور ایده جك اولان « امتیاز فرمانی » و ۲۰/نیسان/۳۴۰ تاریخندن اعتباراً بیوک ملت مجلسنك تصدیق جلیلی ایله احاله و التزام اولنور. واشبو امتیازك فسخی ویا آخره دوری ایجاب ایتدکده همان عینی معامله یاییلور [معادن نظامه سی ۳، ۴، ۵، ۲۳، ۲۴، ۳۲، ۳۳، ۳۶، ۳۹، ۴۶، ۵۹، ۶۰، ۸۲] و سائره.

شمند و فرلر ریختیملر، لیمانلر، دوقلر و ارکلی اوجاقلرینك غیری بالعموم معادن اصلیه وسطحیه و بوقیلدن اولان نیجه مؤسسات نافعه عمومییه هپ فرمانلرله احاله و التزام ایدلش و مذکور فرمانلرک جمله سنده « اشبو امتیاز فرمانی ویرلدی » دیه مسطور بولانشدرکه ۱۲نجی پروتوقولك ایکنجی ماده سنك برنجی وایکنجی فقره لرند بخت ایدیلان لیتید شرکتلری بیله « امتیاز » شکلنده تشکلی ایتمشدر. ارکلی اوجاقلرینك ایسه هم تحریری هم احاله هم فسخ و همده دوری مذکور اوجاقلر باشنده بولتان قومیسون مخصوصك مساعده سی ایله یاییلوب قونو قومشونك بیله خبری اوله مز [تعاملنامه ۲۴۱، ۲۴۲، ۴۳، ۴۴، ۴۸، ۵۸]

۱۵ — امتیاز ایچون فرمان ویریلوب ۵۰ الی ۲۰۰ آلتون فرمان خرجی آلتور. اعمال رخصتنامه لری ایسه بولدن ماعدا رسمه تابع دکلدر.

۱۶ — امتیاز فرمانلری ۲۵ دن ۹۹ سنه یه قدر برمدتله مقید اولور. ارکلی رخصتنامه لری ایسه برمدتله مقید دکلدر.

۱۷ — دیگر معادن اصلیه وسطحیه ۱۵ سنه ترك و تعطیل ایدلدکده حق التزام ساقط اولور. بونده ایسه اوچ ماه مروریه حق اعمال قالماز.

۱۸ — معادن عمومییه املاک صرفه کبی تملك ایدیلور. ۵۵، ۵۶، ۵۷، ۵۸، ۶۱ وارثاً ورثیه انتقال ایدر. طاش اوجاقلری بیله اراضینك نوعنه کوره تملك یا توسیع صورشنده ورثیه انتقال ایدر ایکن [ماده ۳۲ و ۲۱ شباط ۱۳۲۸ تاریخی قانون] ارکلی اوجاقلری تعاملنامه یه کوره احفاده و زوج و زوجیه انتقال ایدوب قالور.

۱۹ — معادن سائر و بونلر میاننده بالفرض سیواسده بولتان کومور معدنی، صاحبك ملکی اولوب صحت عمومییه، انتظام عامیه، و حقوق خزینیه طوقامق شرطیه

صاحب امتیاز کیف مایشا حرکت ایدر [۵۵، ۵۶، ۵۷، ۵۸، ۶۱] بونده ایسه تحریر
رخصتنامه سنک ویرلدیکی کوندن کومور بیتنجه قدر محلی قومیسسیونک نظارت
ومداخله سی باقیدر .

مدرس

بالاده عرض ایدلدیکی اوزره بوبابده کی قوانین ونظامات مخصوصه احکامی وشورای
دولتک اجتہاد مطردی ایجابجه علی العموم امتیازات ایله ارکلی حوضه فحمیه سنده کی
کومور اوجاقلرینک اعمالنه دائر اولان رخصتنامه لک کرک اسباب احداثلری وکرک
مدت وشرائط وصورت اعماللری ورسوم وتکالیفلری اعتباریله یکدیگری بیتنده پک
ظاهر وقطعی برحد فاصل بولمغله برینک دیکرینه قاریشدیرلماسی ایجاب ایدر .

آورقات : حربسانطرس

بر سؤاله جواب

مدرس آووقات : مہرمت فریر

سؤال :

صلح جزا محکمہ لرندہ تحدت ایدہ جک تصحیح سن معاملاتندہ نفوس

مأموریلہ مدعی عمومی دعوت اولنورمی ؟

نفوس قانونک ۱۱ نجی ماده سنک اطلاق عبارہ سنہ نظراً تصحیح سن معاملاتنی مدعی
عمومی ونفوس مأموری حضوریلہ محاکم اصلیدہ رؤیت اولنمقدہ در . اخیراً ۲۲ نیسان
۳۴۱ تاریخندہ منشر (۶۶۰) نومرولی قانونک ۷ نجی ماده سی موجبنجه برجزا دعواسنک
رؤیتی اثناسندہ حادث اولان تصحیح سن مسئلہ سنک عینی محکمہ در رؤیتی اقتضا ایدہ جکی
منصوص در . بوخصوصہ آغیر جزا واسیلہ محکمہ لرندہ مدعی عمومینک ایقای وظیفہ
ایتمسنہ کورہ بر مسئلہ تحدت احتمالی یوقسدہ صلح محکمہ سنندہ مدعی عمومینک بولنماسنہ
کورہ صلح جزا حاکمک نفوس مأموریلہ مدعی عمومی بی دعوتلہ تصحیح سن ایتدیرہ بیلیمک
صلاحیتک موجود اولوب اولمادینی استفسار اولنمقدہ در .